

文淵閣

影印

四庫全書

影印

文淵閣四庫全書

第八四〇冊

北京出版集團公司
北京出版社

本冊目次

古今刀劍錄	鼎錄	嘯堂集古錄	考古圖	續考古圖	釋文	重修宣和博古圖	宣德鼎彝譜	附宣爐博論
-------	----	-------	-----	------	----	---------	-------	-------

梁 陶弘景撰……………一	陳 虞 荔撰……………九	宋 王 俅撰……………一五	宋 呂大臨撰……………九一	宋 王 黼撰……………三七一	明 呂震等奉敕撰……………一〇一九	明 項于汴撰……………
--------------	--------------	---------------	---------------	----------------	-------------------	-------------

欽定四庫全書

子部
古今刀劍錄 鼎錄

詳校官中書臣賈 鉞

負外郎臣斗裕文覆勘

總校官編修臣王燕緒

校對官助教臣卜維吉

膳錄監生臣何繼盛

欽定四庫全書

子部九

提要

古今刀劍錄

譜錄類一 器物之屬

臣等謹案古今刀劍錄一卷梁陶弘景撰弘景字通明丹陽秣陵人齊初為奉朝請永明十年上表辭祿止於句曲山梁大同二年卒贈中散大夫謚貞白先生事蹟具梁書處士傳是書所記帝王刀劍自夏啓至梁武帝凡

欽定四庫全書

古今刀劍錄

四十事諸國刀劍自劉淵至赫連勃勃凡十八事吳將刀周瑜以下凡十事魏將刀鍾會以下凡六事然關張諸葛亮黃忠甘蜀將不應附入吳將中疑傳寫誤佚蜀將刀標題三字又董卓袁紹不應附魏亦不應在鄧艾郭淮之間均為顛舛至弘景生於宋代齊高帝作相時已引為諸王侍讀而書中乃稱順帝準為楊玉所弑不應以身歷之事謬誤至此

且弘景於武帝時卒而帝王刀劍一條乃預著武帝謚號並直斥其名尤乖事理疑其書已為後人所竄亂非盡弘景之本文然考唐李綽尚書故實引古今刀劍錄云自古好刀劍多投伊水中以禳人膝之妖與此本所紀漢章帝鑄劍一條雖文字小有同異而大略相合則其來已久不盡出後人之贋造或亦張華博物志之流真偽參半也

欽定四庫全書

古今刀劍錄

鼎錄

譜錄類一 器物之屬

臣等謹案鼎錄一卷舊本題梁虞荔撰考陳書列傳荔字山披會稽餘姚人釋褐為梁西中郎行參軍遷中書舍人侯景亂歸鄉里陳初召為太子中庶子領大著作東陽揚州二州大中正贈侍中謚曰德是荔當為陳人稱梁者誤也其書不見於本傳唐志始著錄然檢書中載有陳宣帝于太極殿鑄鼎之文荔

卒于陳文帝天嘉二年下距臨海王光大二年宣帝嗣位時首尾七年安得預稱謚號其為後人所攬入無疑又卷首序文乃紀夏鼎應在黃帝條後亦必無識者以原書無序移掇其文蓋流傳既久屢經竄亂真偽已不可辨特以其舊帙存之耳又按晁公武讀書志別出吳協鼎錄一條通考與此書兩收之然其書他無所見疑吳字近虞協字近荔傳寫

欽定四庫全書

鼎錄

舛訛因而誤分為二也乾隆四十六年十月恭校上

總纂官 臣紀昀 臣陸錫熊 臣孫家鼐

總校官 臣陸費墀

欽定四庫全書

古今刀劍錄

梁 陶弘景 撰

夫刀劍之由出已久矣前王後帝莫不鑄之但以小事記注者不甚詳錄遂使精奇挺異空成埋沒慨然有想遂為記云

夏禹帝啓在位十年以庚戌八年鑄一銅劍長三尺九寸後藏之秦望山腹上刻二十八宿文有背面面文

欽定四庫全書

古今刀劍錄

為星辰背記山川日月

啓子太康在位二十九年歲在辛卯三月春鑄一銅劍上有八方面長三尺二寸頭方

孔甲在位三十一年以九年歲次甲辰採牛首山鐵鑄一劍銘曰夾古文篆書長四尺一寸

殷太甲在位三十二年以四年歲次甲子鑄一劍長二尺文曰定光古文篆書

武丁在位五十九年以元年歲次戊午鑄一劍長三尺

銘曰照膽古文篆書

周昭王瑕在位五十一年以二年歲次壬午鑄五劍各投五嶽銘曰鎮嶽尚方古文篆書長五尺

簡王夷在位十四年以元年歲次癸酉鑄一劍長三尺銘曰駿大篆書

秦昭王稷在位五十二年以元年歲次丙午鑄一劍長三尺銘曰誠大篆書

秦始皇在位三十七年以三年歲次丁巳採北祗銅鑄

欽定四庫全書

古今刀劍錄

二劍名曰定秦小篆書李斯刻埋在阿房宮閣下一在觀臺下長三尺六寸

前漢劉季在位十二年以始皇三十四年於南山得一鐵劍長三尺銘曰赤霄大篆書及貴常服之此即斬蛇劍也

文帝恒在位二十三年以初元十六年歲次庚午鑄三劍長三尺六寸銘曰神龜多刻龜形以應大橫之兆帝崩命入玄武宮

武帝徹在位五十四年以元光五年歲次乙巳鑄八劍長三尺六寸銘曰八服小篆書嵩恒霍華泰山五嶽皆埋之

宣帝詢在位二十五年以本始四年鑄二劍長三尺一曰毛二曰貴以足下有毛故為之皆小篆書

平帝衍在位五年以元始元年歲次辛酉掘得一劍上有帝名因服之大篆書

王莽在偽位十七年以建國五年歲次庚午造威斗及

欽定四庫全書

古今刀劍錄

三

神劍皆鍊五色石為之銘曰神勝萬里伏小篆書長三尺六寸

更始劉聖公在偽位二年自造一劍銘曰更國小篆書後漢光武秀在位三十三年未貴時在南陽鄂山得一劍文曰秀霸小篆書帝常服之

明帝莊在位十八年以永平元年歲次戊午鑄一劍上作龍形沉之於洛水中水清時常有見之者

章帝炅在位十三年以建初八年鑄一金劍令投於伊

水中以厭人膝之怪弘景按水經云伊水有一物如人膝頭有爪人浴輒沒不復出

安帝祐在位十九年以元初六年鑄一劍藏峨眉山疑山王也

順帝保在位十九年以永建元年鑄一劍長三尺四寸銘曰安漢小篆書後改年號

靈帝宏在位二十二年以建寧三年鑄四劍文曰中興一劍無故自失並小篆書

欽定四庫全書

古今刀劍錄

四

魏武帝曹操以建安二十年於幽谷得一劍長三尺六寸上有金字銘曰孟德王常服之

齊王芳以正始六年鑄一劍常服之無故自失但有空匣如故後有禪代之事兆始於此尋為司馬氏所廢蜀主劉備以章武元年歲次辛丑採金牛山鐵鑄八劍各長三尺六寸一備自服一與太子禪一與梁王理一與魯王永一與諸葛亮一與關羽一與張飛一與趙雲並是亮書皆作風角處所有令稱元造刀五萬口皆連

環及刃口列七十二鍊柄中通之兼有二字房子容曰
唐人尚書郎李章武本名方古貞元季年為東平帥李
師古判官因理第掘得一劍上有章武字方古博物亞
張茂先亦曰蜀相諸葛孔明所佩劍也乃改名師古為
奏請為章武焉蓋蜀主八劍之一也

後主禪延熙二年造一大劍長一丈二尺鎮劍口山往
往人見光輝後人求之不獲

吳王孫權以黃武五年採武昌銅鐵作千口劍萬口刀

欽定四庫全書

古今刀劍錄

五

各長三尺九寸刀頭方皆是南銅越炭作之文曰大吳

小篆書又赤烏年中有人得淮陰侯韓信劍帝以賜周

瑜

孫亮以建興二年鑄一劍文曰流光小篆書

孫皓以建衡元年鑄一劍文曰皇帝吳王小篆書

晉武帝司馬炎以咸寧元年造八千口刀銘曰司馬

懷帝熾以永嘉元年造一劍長五尺銘曰步光小篆書

成帝衍以咸和元年造十三口刀銘曰興國

穆帝聃以永和五年於房山造五口劍銘曰五方單符
隸書

孝武帝昌明以大元元年於華山頂埋一劍銘曰神劍
隸書

宋武帝劉裕以永初元年鑄一刀銘其背曰定國小篆
書長四尺後入於梁

少帝義符以景平元年造一刀銘曰五色小篆書

後廢帝昱以元徽二年於蔣山頂造一劍銘曰永昌篆

欽定四庫全書

古今刀劍錄

六

書

順帝準以昇明元年掘得一刀銘曰上血其刀照一室

帝奇之至二年七月帝使楊玉候織女玉候女不得懼

死用以弑帝果如銘故知吉凶其徵先見矣

齊高帝蕭道成以建元二年造一刀銘曰定業長五尺

篆書自制之

明帝鸞以建武二年造一刀銘曰朝儀長四尺小篆書

梁武帝蕭衍以天監二年即位至普通中歲在庚子命

弘景造神劔十三口用金銀銅鐵錫五色合為之長短各依劔術法文曰服之者永治四方並小篆書

諸小國刀劔總在此

前趙劉淵以元熙二年造一刀長三尺九寸文曰滅賊隸書

後趙石勒以建平二年造一刀用五百金工用萬人頭尖長三尺六寸銘曰建平隸書勒未貴時耕地得一刀銘曰石氏昌篆書

欽定四庫全書

古今刀劔錄

七

石季龍以建武十四年造一刀長五尺銘曰皇帝石氏隸書

後蜀李雄以晏平元年造刀五百口文曰騰馬隸書

前涼張寔造刀百口無故刀盡失文曰霸

後魏昭成帝拓跋健以建國元年於赤治城鑄刺刀十

口金鏤赤治字

道武帝珪以登國元年於嵩阿鑄一劔銘曰鎮山隸書

明元帝嗣以泰常元年造一劔長四尺銘背曰太常至

真君元年有道士繼天師白為帝造劔長三尺六寸隸書因改元真君

宣武帝恪以景明元年於白鹿山造一刀文曰白鹿隸書

前秦苻堅以甘露四年造一刀用五千工銘曰神術隸書

前燕慕容儁以元璽元年造二十八口刀銘曰二十八將隸書

欽定四庫全書

古今刀劔錄

八

後燕慕容垂以建興元年造二刀長七尺一雄一雌隸書若別處之則鳴

後秦姚萇以建初元年造一刀銘曰中山長三尺七寸

隸書

西秦乞伏國仁以建義三年造一刀銘曰建義隸書

後凉呂光以麟嘉元年造一刀銘背曰麟嘉長三尺六

寸

南凉秃髮烏孤以太初三年造一刀狹小長二尺五寸

青色匠人曰當作之時夢見一人被朱服云吾是太乙神來看汝作云此刀有獻必鳴後落空厥可汗所有也南燕慕容玄明以建平元年作刀四口文曰建平隸書西京李嵩以永建元年造珠碧刀一口銘曰百勝隸書北凉沮渠蒙遜以永安三年造刀百口銘曰永安隸書夏州赫連勃勃以龍昇二年造五口刀背刃有龍雀環兼金縷作一龍形長三尺九寸銘曰古之利器吳楚湛盧大夏龍雀名冠神都可以懷遠可以柔邇如風靡草

欽定四庫全書

古今刀劍錄

九

威服九區宋王劉裕破長安得此刀後入於梁

吳將刀

周瑜作南郡太守造一刀背上有蓋冠將軍字八分書

蔣欽拜列郡司馬造一刀文曰司馬隸書

周幼平擊曹公勝拜平虜將軍因造一刀銘背曰幼平

董元成少果勇自打鐵作一刀後討黃祖於蒙衝河元

成引刀斷衝頭為二流拜大司馬號斷蒙刀

潘文拜偏將軍為擒關羽拜固陵太守因造一刀銘曰

固陵

朱理君少受征討黃武中累功拜安國將軍作一佩刀文曰安國

關羽為先主所重不惜身命自採都山鐵為二刀銘曰萬人及羽敗羽惜刀投之水中

張飛初拜新亭侯自命匠鍊赤朱山鐵為一刀銘曰新亭侯蜀大將也後被范強殺強將此刀入於吳

諸葛亮定黔中從青石祠過遂抽刀刺山投刀不拔而

欽定四庫全書

古今刀劍錄

十

去行人莫測

黃忠漢先主定南郡得一刀赤如血於漢中擊夏侯軍一日之中手刀百數

魏將刀

鍾會克蜀於成都土中得一刀文曰太一會死入帳下王伯昇伯昇後渡江刀遂飛入水

鄧艾年十二曾讀陳太丘碑碑下掘得一刀黑如漆長三尺餘刀上常有氣淒淒然時人以為神物

董卓少時耕野得一刀無文字四面隱起作山雲文劖
玉如泥及卓貴示五官郎將蔡邕邕曰此項羽之刀也
袁紹在黎陽夢有一神授一寶刀及覺果在卧所銘曰
思召紹解之曰思召紹字也

郭淮於太原得一刀文曰宜為將後遂為將軍及與蜀
將戰敗失此刀

王雙曾於市中買得一刀賣人曰得之者貴因不見雙
後佩之為魏將後與曹真一刀換也

欽定四庫全書

古今刀劍錄

上

古今刀劍錄

欽定四庫全書

鼎錄

陳虞荔撰

昔虞夏之盛遠方皆至使九牧貢九金鑄九鼎於荆山之下於昆吾氏之墟白若甘攬之地圖其山川奇怪百物而為之備使人知神姦不逞其害以定其祥鼎成三足而方不炊而自沸不舉而自藏不遷而自行九鼎既成定之國都桀有亂德鼎遷於殷載祀六百殷紂暴虐鼎遷於周成王定鼎於郊廓卜世三十卜年七百年所命也及顯王姬德大哀鼎淪入泗水秦始皇之初見於彭城大發徒出之不能得焉

金華山皇帝作一鼎高一丈三尺大如十石甕像龍騰雲百神螭獸滿其中文曰真金作鼎百神率服視篆書三足

漢孝景帝鑄一鼎名曰食鼎高二尺銅金銀雜為之形若凡甌無足中元六年造其文曰五鼎是滋君王膳之

小篆書

武帝登泰山鑄一鼎高四尺銅銀為之其形如甕有三足太始四年造其文曰登於泰山萬壽無疆四海寧謐神鼎傳芳大篆書

元鼎元年汾陰得寶鼎即吾丘壽王所識之鼎高一丈二尺受十二石雜金銀銅錫為之四面蛟龍兩耳能鳴三足馬蹄刻山雲奇怪之象紀靈圖未然之狀其文曰壽考天地百祥臻侍山伏其靈海伏其異此銘在底下又別有銘或浮或沈皆古文複篆此上古之鑄造也總有九枚

昭帝元平元年於藍田覆車山鑄一鼎高三尺受五斗刻其文曰宜君王和四方調滋味去腥傷小篆書三足廢帝賀以天鳳六年登位廢為海昏侯鑄一小鼎貯酒其形若甕四足受二斗其文曰長滿上小篆書

宣帝甘露元年於華山仙掌鑄一鼎高五尺受四斗擬承甘露刻其文曰萬國伏貽長久鑄神鼎承天酒三足

小篆書又建章宮銅人生毛以為美祥作一金鼎埋之本宮

元帝初元二年鑄一鼎大如甕無足其文曰黃帝膳鼎小篆書

成帝綏和元年匈奴平鑄一鼎其文曰寇盜平黃河清八分書三足高五尺六寸

哀帝元壽元年鑄一鼎貯酒高四尺三足其文曰羣臣元日用醴鼎小篆書

欽定四庫全書

鼎錄

平帝元始五年鑄一鼎受二斗其文曰藥鼎三足八分

書

王莽建國元年鑄一大鼎高一丈其文曰建國鼎莽自書埋之漸臺又作一鼎其文曰君臣之鼎並小篆書三足

後漢光武建元元年鑄一鼎其文曰定天下萬物伏小篆書三足高九尺

明帝永平十年鑄一鼎於洛水高六尺其文曰蛟龍伏

大篆書三足又鑄一鼎於穀水高五尺其文曰穀洛小篆書四足

章帝元和二年於北嶽鑄一鼎高四尺無足其文曰鎮地鼎小篆書

安帝延光四年鑄一鼎於少室山其文曰承露鼎小篆書四足

順帝永建六年鑄一鼎於伊水名曰魚鼎高四尺三足靈帝嘉平元年鑄一大鼎埋之鴻都門其文曰儒鼎古

欽定四庫全書

鼎錄

書三足

漢官儀曰開陽門夜直樓上帝因作一鼎其文曰柱鼎一足如馬蹄

蜀先主章武二年於漢川鑄一鼎名曰克漢鼎埋之丙穴中八分書三足又鑄一鼎沉於永安水中紀行軍奇變又於成都武擔山埋一鼎名曰受禪鼎又埋一鼎於劔口山名曰劔山鼎並小篆書皆武侯迹又時龍見武陽之水九日因鑄一鼎像龍形沈水中

蜀章武三年先主作二鼎一與魯王文曰富貴昌宜侯
王一與梁王文曰大吉祥宜公王並古隸書高二尺
魏武帝鑄一鼎於白鹿山高一丈紀征伐戰陣之能古
文篆書四足更作鼎於太子名曰孝鼎畫刻古來孝子
姓名小篆書

文帝黃初元年鑄受禪鼎其文曰受祚鼎小篆書
明帝太和六年鑄一鼎三足名曰萬壽鼎小篆書

吳孫權黃武元年於彭蠡水沈一鼎其文曰百神助陽

欽定四庫全書

鼎錄

五

侯伏三足大篆書又獵於樊山見一姥問得何獸答曰
得一豹曰何不截尾遂為姥立廟并作一鼎文曰豹尾

鼎

孫亮建興元年於武昌鑄一鼎其文曰鎮山鼎小篆書

三足

孫皓鑄一鼎於蔣山紀吳之厯數八分書

晉懷帝永嘉六年鑄一鼎沈於瓜步江中無文字鼎似

龜形

宋主劉裕晉永初三年從秦中還紀功鑄一鼎於九江
其文曰沸秦洛伏大漢古篆書

宋文帝得鰕魚遂作一鼎其文曰鰕魚四足

順帝昇明元年有人於宮亭湖得一鼎上有古文洵漢
二字

齊高祖諱道成於齊中池內見龍聞簫鼓音遂埋一鼎
其文曰龍鼎真書三足

梁武帝大通元年於蔣山埋一鼎文曰大通真書又鑄

欽定四庫全書

鼎錄

六

一鼎書老子五千言沈之九江中並蕭子雲書又天監

二年安豐得一角靈龜武帝遂作一鼎投得龜處

陳武帝即位鑄一鼎文曰元勲鼎沈於淞江

陳宣帝於太極殿中鑄一鼎文曰忠烈常侍丁初正書

太公於渭水得玉璜鑄一鼎刻其文曰璜鼎

秦丞相樗里子作一鼎文曰智囊獨足古文大篆書

荀況在嵩溪作一鼎大如五石甕表裏皆紀兵法大篆

書四足

張儀伐蜀鑄一鼎高三尺文曰定蜀大篆書

李斯為丞相鑄一鼎其文曰上丞相鼎埋於上蔡東門

蕭何為丞相鑄一鼎大如三石甕自表已功其文曰紀

功鼎亦是何自作署書體四足

張陵在雲臺山得仙作一鼎寫丹經理於雲臺山下

車千秋為丞相鑄一鼎文曰車丞相鼎八分書

司馬遷字子長南遊探禹穴作一鼎而小記年月日埋

之秦望山

欽定四庫全書

鼎錄

黃霸為潁川守神雀集遂刻鼎記之

孔光拜丞相鑄一鼎文曰丞相博山侯大篆書

王商為單于所畏遂令鑄一鼎刻記其功以勸功臣

楊震為太尉作一鼎其文曰太尉鼎古隸書

胡廣鑄一鼎其文曰孝子鼎八分書

陳太丘鑄一鼎藏於陘山

王允字子師郭林宗見而器之允自鑄一鼎曰千里八

分書

王仲子為大司徒鑄一鼎其文曰司徒鼎大篆書

王朗為司空鑄一鼎其文曰司空鼎複篆書

董卓為太師鑄一鼎其文曰太師鼎古隸書

蔡伯喈為侍中封高陽侯作一鼎記漢家歷數邑自書

藏於泰山

諸葛亮殺王雙還定軍山作一鼎埋於漢川其文曰定

軍鼎又作八陣鼎沈之永安水中皆大篆書又於玄武

郡金山作二鼎一大一小並無文時亮行軍見此山勢

欽定四庫全書

鼎錄

似有王者故鎮之

鍾繇魏文帝賜五熟鼎

吳顧邕鑄一鼎文曰顧元凱之鼎八分書三足

陸遜破劉備軍鑄一鼎紀功其文曰破備鼎

孔愉獲龜放之遂作一鼎刻其文曰孔敬康鼎沈之於

水

張衡制地動圖記之於鼎沈於西鄂水中

王羲之於九江作書鼎高五尺四面周匝書遍刻之沈

於水中真隸書



欽定四庫全書



鼎錄

九

鼎錄

